

Broj: 02- 49- 874/14
Mostar, 02.04. 2014. godine

Bosna Hercegovina
Federacija Bosne i Hercegovine
VLADA FEDERACIJE BOSNE I HERCEGOVINE
GENERALNO TAJNIŠTVO
n/p Edita Kalajdžić, sekretar

BOSNA I HERCEGOVINA
FEDERACIJA BOSNE I HERCEGOVINE
VLADA
Sarajevo

PRIMLJENO: 7. 4. 2014

Organizaciona jedinica	Klasifikaciona oznaka	Redni broj	Brj priloga
03	-02	-405	2014

Predmet: Informacija Federalnog ministarstva energije, rudarstva i industrije o ključnim mjerama koje su provedene u proteklom periodu, kao i o planiranim aktivnostima za naredni period sa posebnim osvrtom na mjere socijalno -ekonomske prirode, dostavlja se -

Veza: Akt premijera Vlade Federacije Bosne i Hercegovine broj: 01-02-417/14 od 27.03.2014. godine

Federalno ministarstvo energije, rudarstva i industrije, razmotrilo je dostavljene akte i to:

- Rezolucija trinaestoga kongresa Saveza samostalnih sindikata Bosne i Hercegovine, broj: 01-96/14 od 20.02.2014. godine,
- Prijedlog mjera za prevazilaženje teške ekonomsko – socijalne situacije Saveza samostalnih sindikata Bosne i Hercegovine, broj: 01-III-140/14 od 17.03.2014. godine i
- Prijedlog mjera za izlazak iz ekonomske i društvene krize Udruženja poslodavaca Federacije Bosne i Hercegovine, od 28.02.2014. godine.

Iz dostavljene dokumentacije vide se opravdani zahtjevi na poduzimanju određenih aktivnosti svih činitelja u Federaciji Bosne i Hercegovine i Bosne i Hercegovine u cjelini, kako bi se osiguralo više radnih mjesta odnosno bolji i kvalitetniji život.

Iz Rezolucija trinaestoga kongresa Saveza samostalnih sindikata Bosne i Hercegovine posebice podržavamo bolje uređenje i prihvatljivija rješenja vezano za stečajni postupak, u kojemu će se ograničiti trajanje stečajnog postupka na način da se vremenski uredi pojedine aktivnosti.

Nadalje, Zakon o reviziji privatizacije državnog kapitala u privrednim društvima i bankama, („Službene novine Federacije BiH“, broj 55/12) potrebno je u potpunosti primijeniti, a shodno tome Federalno ministarstvo energije, rudarstva i industrije predložilo je, a Vlada Federacije Bosne i Hercegovine je usvojila Uredbu o

temeljima organizacije i načinu poslovanja Agencije za reviziju privatizacije u Federaciji Bosne i Hercegovine („Službene novine Federacije BiH“, broj 16/14).

Federalno ministarstvo energije, rudarstva i industrije pokrenulo je dvije inicijative za izmjene Zakona o javnim nabavkama Bosne i Hercegovine („Službeni glasnik Bosne i Hercegovine“, br: 49/04, 19/05, 52/05, 8/06, 24/06, 70/06, 12/09 i 60/10), jednu u dijelu zakona koji se odnosi na ograničenja dobavljača za učešće u postupku javne nabavke ukoliko ne ispunjavaju obaveze u vezi sa plaćanjem doprinosa, a drugu o preferencijalnom tretmanu domaćeg u sustavu javnih nabavki Bosne i Hercegovine. O ovim inicijativama Vlada Federacije Bosne i Hercegovine je raspravljala u drugoj polovici 2013. godine, podržala ih i uputila prema Vijeću ministara Bosne i Hercegovine, odnosno obrađivaču Zakona o javnim nabavkama Bosne i Hercegovine.

Vežano za prijedloge za izradu i usvajanje strategija za pojedine oblasti ističemo da je Ministarstvu usvijilo 3 strateška dokumenta i da su u pripremi također dva strateška dokumenta čije se usvajanje očekuje uskoro.

Usvojeni strateški dokumenti:

1. „Razvoj industrijske politike u Federaciji Bosne i Hercegovine BiH“ („Službene novine Federacije BiH“, broj 40/10)
2. „Strateški plan i program razvoja energetskog sektora Federacije BiH 2010-2020“
3. „Strategija razvoja namjenske industrije u Federaciji Bosne i Hercegovine, za period 2012.-2022. godine“.
4. Strategija razvoja industrije tekstila, odjeće, kože i obuće u Federaciji Bosne i Hercegovine za period 2013-2023. godine, („Službene novine Federacije BiH“, broj 65/13),

Strateški dokumenti koji su u fazi izrade:

1. Strategija razvoja industrije građevinskog materijala Federacije Bosne i Hercegovine za period 2013.-2023. godina,
2. Strategija razvoja drvne industrije Federacije Bosne i Hercegovine za period 2013.-2023. godina.

U principu, Federalno ministarstvo energije, rudarstva i industrije podržava sva tri gore spomenuta akta u većem dijelu predloženih aktivnosti i ističe da je neophodno ubrzati proces europskih integracija Bosne i Hercegovine, jer će se na taj način doći do kvalitetnijih rješenja u većini oblasti, a na raspolaganju će biti značajniji iznosi iz predviđenih finansijskih fondova Europske unije.

Vlada Federacije Bosne i Hercegovine u 2011. godini razmatrala je 184. točke koje je pripremila Federalno ministarstvo energije, rudarstva i industrije odnosno po 5 točaka u prosjeku je bilo na svakoj sjednici Vlade Federacije Bosne i Hercegovine. Od toga 8 zakonskih rješenja, 1 uredba i 5 popravaka uredbe, 92 odluke, 28. informacija, 20 izvještaja itd..

Vlada Federacije Bosne i Hercegovine u 2012. godini imala je 39 redovnih sjednica, na kojima je između ostalog razmatrala i 160 točaka Federalnog ministarstva energije, rudarstva i industrije, što je prosječno 4,2 tačke po sjednici. Napominjemo da je u 2012. godini objavljeno u Službenim novinama Federacije BiH, 6 zakona, 20 pravilnika, 99 odluka i 14 rješenja.

1. Zakon o predmetima od plemenitih metala u Federaciji Bosne i Hercegovine, („Službene novine Federacije BiH“, broj 7/12)
2. Zakon o reviziji privatizacije državnog kapitala u privrednim društvima i bankama, („Službene novine Federacije BiH“, broj 55/12)
3. Zakon o izmjenama i dopunama zakona o prikupljanju, proizvodnji i prometu sekundarnih sirovina i otpadnih materijala, („Službene novine Federacije BiH“, broj 109/12)
4. Zakon o izmjenama i dopunama zakona o finansijskoj konsolidaciji rudnika uglja u Federaciji Bosne i Hercegovine prema obračunatim, a neuplaćenim javnim prihodima u periodu od 2009. do 2015. godine, („Službene novine Federacije BiH“, broj 109/12)
5. Zakon o dopunama Zakona o javnim preduzećima u Federaciji Bosne i Hercegovine, („Službene novine Federacije BiH“, broj 109/12)
6. Zakon o izmjenama Zakona o Agenciji za privatizaciju („Službene novine Federacije BiH“, broj 110/12)

Ministarstvo je također u 2013 godini sačinilo, provelo potpunu proceduru donošenja i objavilo 6 zakona, 6 uredbi, 4 pravilnika, 1 kolektivni ugovor, 1 strategiju, 132 odluke i 32 rješenja.

1. Zakon o električnoj energiji u Federaciji Bosne i Hercegovine, („Službene novine Federacije BiH“, broj 66/13)
2. Zakon o korištenju obnovljivih izvora energije i efikasne kogeneracije, („Službene novine Federacije BiH“, broj 70/13)
3. Zakon o izmjenama i dopunama Zakona o privrednim društvima, („Službene novine Federacije BiH“, broj 75/13)
4. Zakon o istraživanju i eksploataciji nafte i plina u Federaciji Bosne i Hercegovine, („Službene novine Federacije BiH“, broj 77/13)
5. Zakon o izmjenama Zakona o finansijskoj konsolidaciji rudnika uglja u Federaciji Bosne i Hercegovine prema obračunatim, a neuplaćenim javnim prihodima u periodu od 2009. do 2015. godine („Službene novine Federacije BiH“, broj 5/14)
6. Zakon o dopuni Zakona o korištenju obnovljivih izvora energije i učinkovite kogeneracije, („Službene novine Federacije BiH“, broj 5/14)

Zakoni i drugi akti u proceduri donošenja:

- ◆ **Zakon o privrednoj komori u Federaciji BiH**
- ◆ **Prijedlog zakona o upravljanju državnim kapitalom u Federaciji Bosne i Hercegovine,**
Zakon usvojila Vlada Federacije BiH na svojoj 20. sjednici koja je održana 04.10.2011. godine. O istom zakonu raspravljalo je i izjasnilo se pozitivno i ESV za teritorij Federacije BiH. Zakon je usvojen na 7. sjednici Zastupničkog doma koja je održana dana 26/27.10.2011. godine a Dom naroda je isti usvojio 10.11.2011. godine na svojoj 6. sjednici. Doneseni su zaključci o provođenju javne rasprave u trajanju od 45 dana. Javna rasprava je obavljena, sumirani su rezultati, a Vlada Federacije BiH, ovaj Prijedlog zakona usvojila je na svojoj 52. sjednici koja je održana 30.05.2012. godine. Isti se nalazi u parlamentarnoj proceduri ali se nezna kad će se op istom raspravljati.
- ◆ **Nacrt zakona o energetskej efikasnosti,**
Vlada Federacije BiH ovaj Nacrt zakona o energetskej efikasnosti usvojila je na svojoj 51. sjednici koja je održana 22.05.2012. godine. Na nastavku 22. sjednice Zastupničkog doma Parlamenta Federacije BiH koja je održana 24.09.2013. godine Zakon je usvojen. Dom narod Parlamenta Federacije BiH, je na 18. sjednici, održanoj 14.11.2013. godine također isti usvojio i određeno je provođenje javnih rasprava.
- ◆ **Prijedlog zakona o finansijskoj konsolidaciju gospodarskih društava u Federaciji Bosne i Hercegovine,**
Zakon je prošao svu parlamentarnu proceduru, ali je usvojen u različitim tekstovima i prethodi njegovo usuglašavanje.
- ◆ **Prijedlog zakona o naftnim derivatima u Federaciji Bosne i Hercegovine,**
Nacrt Zakona je usvojen na 64. sjednici Vlade Federacije BiH koja je održana 17.10.2012. godine i upućen je u parlamentarnu proceduru. Oba doma su ga usvojila i nakon toga obavljena je javna rasprava. Zakon u formi Prijedloga usvojen je na 100. sjednici Vlade Federacije BiH održanoj 19.02.2014. godine. Isti je upućen u parlamentarnu proceduru.
- ◆ **Nacrt zakona o gasu Federacije BiH**
Vlada Federacije Bosne i Hercegovine Nacrt zakona je usvojila na svojoj 25. žurnoj sjednici održanoj 15.05.2013. godine, i isti uputila u parlamentarnu proceduru. Zastupnički dom je Nacrt zakona usvojio na svojoj 21 sjednici 23-24.07.2013. godine, a Dom naroda Parlamenta Federacije BiH je isti usvojio na svojoj 17 sjednici i tom prilikom je naložio obavezno provođenje javne rasprave. Javna rasprava je održana 24.10.2013 u Sarajevu u suradnji sa P/G FBIH. Održane javne rasprave i vrše se analize istih.

◆ **Nacrt zakona o gospodarskim društvima**

Nacrt zakona o gospodarskim društvima usvojen je na Vladi Federacije BiH na 84. sjednici dana 23.10.2013. godine i isti je upućen u parlamentarnu proceduru.

◆ **Nacrt zakona o izmjeni i dopuni Zakona o korištenju obnovljivih izvora energije i učinkovite kogeneracije,**

Vlada Federacije Bosne i Hercegovine usvojila je Nacrt zakona o izmjeni i dopuni Zakona o korištenju obnovljivih izvora energije i učinkovite kogeneracije na svojoj 88. sjednici koja je održana 18.11..2013. godine i isti će biti upućen u parlamentarnu proceduru.

◆ **Nacrt zakona o izmjenama i dopunama Zakona o mjeriteljstvu u Federaciji BiH**

Vlada Federacije Bosne i Hercegovine usvojila je Nacrt zakona o izmjenama i dopunama Zakona o mjeriteljstvu u Federaciji BiH na svojoj 93. sjednici koja je održana 30.12.2013. godine i isti će biti upućen u parlamentarnu proceduru.

◆ **Nacrt zakon o plaćama i drugim materijalnim pravima članova organa upravljanja i drugih organa institucija Federacije Bosne i Hercegovine, javnih preduzeća i drugih privrednih društava u većinskom vlasništvu Federacije Bosne i Hercegovine,**

Zakon je usvojila Vlada Federacije na 104. sjednici Vlade Federacije Bosne i Hercegovine, održanoj 27.03.2014. godine i isti je prosljeđen u parlamentarnu proceduru.

Zakoni i drugi akti u pripremi

◆ **Prednacrt zakona o proizvodnji, remontu i prometu naoružanja i vojne opreme u Federaciji Bosne i Hercegovine**

Prednacrt Zakona je usvojen na 64. sjednici Vlade Federacije BiH, koja je održana 17.10.2012. godine i isti je kao Nacrt Zakona usvojen od strane Zastupničkog doma Parlamenta Federacije BiH na 17. redovnoj sjednici 28-30.11.2012. godine. Dom naroda Parlamenta Federacije BiH na nastavku 14. sjednice koja je održana 06.06.2013. godine nije prihvatio zakon. Novi Prednacrt zakona je u pripremi.

Ministarstvo je u proteklom mjesecu predložilo a Vlada Federacije BiH je usvojila:

- Odluku o usvajanju Programa utroška dijela sredstava utvrđenih u razdjelu 17. Budžeta Federacije BiH za 2014. godinu Federalnom ministarstvu energije, rudarstva i industrije „Izdaci za finansijsku imovinu -Ostala domaća pozajmljivanja i Program utroška dijela sredstava utvrđenih u razdjelu 17. Budžeta Federacije BiH za 2014. godinu Federalnom ministarstvu energije, rudarstva i industrije „Izdaci za finansijsku imovinu Ostala domaća pozajmljivanja,
- Odluku o usvajanju Programa utroška dijela sredstava utvrđenih u razdjelu 17. Budžeta Federacije Bosne i Hercegovine za 2014. godinu Federalnom ministarstvu energije, rudarstva i industrije „Tekući transferi i drugi tekući

- rashodi –Subvencije javnim preduzećima i Subvencije privatnim preduzećima i poduzetnicima,
- Odluku o usvajanju Programa utroška dijela sredstava utvrđenih u razdjelu 17. Budžeta Federacije Bosne i Hercegovine za 2014. godinu Federalnom ministarstvu energije, rudarstva i industrije “Izdaci da financijsku imovinu – Ostala domaća pozajmljivanja - Garancijski fond za podsticaj izvozno orijentisanih preduzeća”,
 - Odluku o davanju saglasnosti Federalnom ministarstvu energije, rudarstva i industrije za uspostavu trajnog revolving fonda kod Union banke d.d. Sarajevo za dugoročno finansiranje projekata putem dodjele kredita-trajni revolving fond i Prijedloga Programa utroška sredstava trajnog revolving fonda kod Union banke d.d. Sarajevo Federalnog ministarstva energije, rudarstva i industrije za dugoročno finansiranje projekata putem dodjele kredita za 2014. godinu,
 - Odluku o usvajanju Programa utroška sredstava „Subvencije javnim poduzećima - konsolidacija rudnika ugljena u Federaciji BiH“ Federalnog ministarstva energije, rudarstva i industrije utvrđenih u Proračunu Federacije Bosne i Hercegovine za 2014. godinu.

Analizirajući indekse ukupne industrijska proizvodnje Federacije Bosne i Hercegovine u periodu 2009-2013¹ može se vidjeti da dolazilo do rasta proizvodnje za cca 6%. Najveći rast proizvodnje ostvaren je u području prerađivačke industrije cca 8% i kod proizvodnje i snabdijevanja električnom energijom i plinom cca 4% dok je najmanji rast proizvodnje ostvaren u području vađenja ruda i kamena.

Ukupna industrijska proizvodnja u periodu siječanj – prosinac 2013. u odnosu na isti period 2012. veća je za 10%, a u području prerađivačke industrije i proizvodnje i snabdijevanja električnom energijom i plinom 7,8%.

Prema glavnim industrijskim grupacijama industrijskih proizvoda u periodu siječanj – prosinac 2013. u odnosu na isti period 2012. proizvodnja bilježi povećanje kapitalnih proizvoda za 37,8%, netrajnih proizvoda za široku potrošnju za 4,8% intermedijarnih proizvoda za 4 % i energije za 3,5%.

S poštovanjem,

Dostavljeno:

- naslovu,
- evidenciji i
- a/a



¹ Izvori: Statistički godišnjak 2012; Mjesečni statistički pregled F BiH1/14